

摘藻堂四庫全書薈要

集部

欽定四庫全書叢要

集部

懷麓堂集卷五十九

七至

詳校官侯輔通政司經歷臣郭祚熾



欽定四庫全書薈要卷一萬六千六百八十六

集部

懷麓堂集卷五十七

明 李東陽 撰

詩後稿七

七言律詩

送衍聖公聞韶襲封還闕里

夜來佳氣繞門闌
曉聽郎君已拜官
魯郡山川歸舊國
孔林蘋藻薦新盤
田無公稅堪為養
家有遺書正好看

從此雲霄是平地，道途長為報平安。

贈闕里孔聞禮

南溪聖公次子

少年文采動公卿，剡說尼山有俊英。
千載衣冠三氏學，五更鐘漏九重城。
極知東嶽瞻雲意，酷似西堂聽雨情。
寄謝南溪溪上水，幾時容我棹舟行。

方石先生祖母趙節婦旌表紀事二首

鳳函飛度越江遙，江上離鸞恨始消。
故國山川增秀拔，舊家門戶起蕭條。
詩書澤遠傳三世，雨露恩深浹四朝。

從此貞心長不死九泉披豁見層霄

路接清風嶺未遥

清風嶺
台州事

舊鄉遺俗豈全消百年始報

生成德六館重開節義條星小竟隨孤月照江清恥受
惡溪朝先生不為彛倫起茲事何因徹九霄

又二首

故家華胄本非遥薄俗真堪鄙各消始信忠臣元有訓

誰言孝子不同條

謝高祖孝
子諱溫良

陰晴到底天須定江漢何

心海自朝多少窮殘委溝壑夜臺無力叫重霄

思山夢嶺路非遙

謝有思山改會總又山名大夢皆世墓

舊事多從話裏消看

取霜松高萬丈任他風柳弱千條絲綸命許兼先代

謝始欲移

所得誥命詔併與之

竹帛名應載本朝昨夜文星連婺女共將光

彩動青霄

次李白洲六十自壽韻

宦情元不因詩魔白戰猶聞夜枕戈南去扶搖無限路
北來安樂有行窩孤松歲晚心能壯叢桂秋深影漸多

自愛黑頭雙鬢在每呵青鏡手親磨

白洲嘗有莫道頻年詩興減黑頭雙

鬢慣閒
吟之句

送焦守靜先生使襄府

丹書玉節又南行
一日龍光起四瀛
新使早占唐李邵
舊恩猶識漢桓榮
三朝委質君臣義
兩世通家父子情
應向別筵懷往事
曲江花底拜年兄

懸車舊第卷為寶
慶謝太守公子業題次方石
韻二首

山頭牛背穩如車
猶記當年謝事初
地僻有時窮嶺嶠

家貧無計問田廬屋梁落月分明在霄漢晨星次第踈
因過竹林談舊隱幾聲清嘯一長歔

仕塗隨地有推車野服何人得返初老去功名皆外物
舊時山水是吾廬達能玩世心非放清足傳家計未踈
屋不可瞻烏可愛天涯一見一欷歔

愛日樓為錢郎中榮作

白日紅顏映鬢絲百年心事此樓知生憎暮色經簷短
每恨晨光出海遲寸草有春猶物類長安雖遠未天涯

綵衣催進長生酒莫待高庭樹影移

榮壽樓為仲僉事本作

百尺高樓肯構新郎君家有白頭親駢羅合啟長生宴
升降全輕未老身潑眼湖光堪釀酒卷簾山色似娛人
豸冠驄馬朝天路夜夜憑闌望北辰

病中言懷八首

三年病後強趨朝又擁重門卧寂寥夢繞千山心不定
枕歌雙臂力全消籠燈月暗疑無影團雪風稀未滿條

睡起忽然忘握髻不勝愁鬢晚飄蕭

瓦爐初冷更添香更漏沉沉月轉廊身老病隨年共至
愁多心與夜爭長塵編倦掃時防蠹蠹樹新移尚怯霜
自笑閒情緣底在向來公事已全荒

身病何如目病難極知昏眊勝衰殘愁來強閣東門淚
老去從歌杜甫冠新酒縱芻仍斷飲好書雖借懶開看
枕邊莫道無餘事猶有詩成字未安

門掩疎籬雪滿池夜寒惟有病先知冰輪影薄當窻近

竹葉聲稀到枕遲三徑業荒秋去後十年心苦夢醒時
一身經濟元無術醫國如今合付誰

返櫂湖南路已微買田陽羨事多違老看天地餘生少
遠別江湖舊伴稀靈囿藻深魚尚在故林松暝鶴還飛
天寒歲晚無聊賴吟倚高樓送落暉

東歸重下潞河船猶有江山未了緣望遠真窮滄海際
登高空指泰山巔流光轉眼清秋過往事經心白晝眠
寂寂閉門多病裏始知遊賞是神仙

高梁橋北畏吾村
壠樹成行石獸蹲
豈謂驅除非舊主
始知封表是君恩
愁來霜露情多感
老去烟霞癖尚存
已辦輕車隨欵段
挂冠須向國西門

幾回班召入彤扉
又向經筵勸講歸
溫語問時勞睿想
霽顏開處識天威
相如病久經旬卧
汲黯身長與願違
萬里雲霄雙倦翼
側看鸞鵠讓回飛

郊壇分獻得夜明

夜色燈光遠近中
廣寒元是水精宮
九重閭闔隨高步

萬里山河入半空
歌罷樂聲還徹外
拜時人影盡朝東
高明願託無私照
四海長瞻配日功

慶成宴次焦少宰韻二首

南郊禮罷及辰良
春殿筵開愛日長
神貺已沾頒後胙
宮衣猶帶祭時香
旌旗簇擁千人隊
袞繡分明五色光
乾飲滿斟皆聖語
共將涓滴報吾皇

共隨經幄輔元良
玉署金鑾歲月長
學士幾陪天上宴
侍郎還立案頭香
遷宮地隔新曹省
賜坐身沾舊寵光

應是老臣偏感事
碧桃曾見醉先皇

次李白洲留別韻二首

少日相忘汝與吾
老來俱已變頭顱
家貧尚有千頭橘
身健何須九節蒲
酒興不輸詩力壯
野心偏向世情粗
上東門外應回首
誰為疏郎作畫圖

俯仰平生不愧吾
肯隨弘景歎頭顱
歸心白憶霜前鴈
別意青憐水上蒲
唐代百篇希世有
漢廷三尺本君粗
亨衢不隔安車路
回首風雲是壯圖

奉送梓宮至土城哭而有述

郭外宮車駐復行萬方臣妾共吞聲驚飈慘似升遐日
落景深留返照情千載再逢真隔世百身能代敢偷生
清塵望盡猶翹首願作飛雲繞去旌

過小西門懷舊壟有作

古城西北氣蕭森舊路蒼茫不易尋手種青松今易主
耳聞烏鳥更關心山堂尚憶風霜破野徑猶虞鹿豕侵
遙指故原新樹裏晚風吹淚濕衣襟

畏吾村先墓忽枉劉司馬見過感而有詩

滿地悲風起白楊
壠頭斜日半荒涼
巨卿白馬期能到
范叔綈袍義可忘
話舊畧教肝膽盡
憂時同感鬢毛蒼
我來君去何匆促
猶有官曹債未償

奉迎神主觀御容哭而有述是日復大風

園陵北望路迢遙
夜候禪宮坐寂寥
已向人心占夢寐
更從天意識風飈
目瞻遺像山河秀
淚滴空原草樹凋
神御入城當午霽
不堪重拜闕西橋

和方石先生留別韻二首

宦情今日為君微
別卷詩成強自揮
歐冶金鳴孤劍躍
海天雲盡一鴻歸
行蹤得與浮萍似
塵世休言大夢非
何物人間堪更比
向來風槩十分巍

客心鄉路轉依微
回首風塵袂一揮
已起謝安還復卧
未秋張翰忽先歸
桃源再入花應在
赤壁重遊事恐非
試向畫圖占壽考
老來詩骨更崔巍

倫脩撰文叙頒詔
安南便道省親

藩邦地重極炎洲詔使名高出狀頭一代風雲龍虎會
百年郊藪鳳麟遊殊方盡處聞天語舊屋歸時記海籌
採得民風兼國俗玉堂青史待刪脩

正德丙寅正月二日雪

三冬臘雪已無期兩日春風尚及時朝士攬衣驚起早
都人勒馬愛行遲年華過眼人須惜帝力如天物不知
却訝桑林纔六事也能昭格應商祈

徐侍讀穆頒詔朝鮮

六龍飛御九重天天上丈星下海堧萬物發生新雨露
累朝封錫舊山川鸞書共識中華字鳳歷初開正德年
珍重登高能賦手玉堂青簡待同編

初開經筵紀事

正德元年二月二
日是日開講大學

曾侍宮筵入桂坊又開經幄引鴈行春秋義重初元歲
大學書陳第一章講罷天顏猶咫尺朝回日色半蒼涼
兼金綵幣皆恩澤四表同瞻聖德光

親耕籍田紀事

二月十五日時陪祀
先農且預九推之列

短犁長策共分曹白石壇空碧殿高七奏耳聞神聽遠
三推心識聖躬勞伶人曲按新翻譜御酒恩沾舊賜袍
帝業艱難民事苦愧時筋力助分毫

沈編脩燾冊封安南

玉堂書史暫休衙銀漢星辰早泛槎已向夏壇分赤社
更從周雅賦皇華主恩前後重頒詔使節從容兩過家
今日贈詩他夜夢紫薇枝上月鈎斜

題許給事天錫駐節寧親圖

黯淡灘頭舟若飛
安南國裏使臣歸
宮恩滿載黃封酒
官樣新裁白澤衣
天上兩星當夜動
人間寸草自春暉
咨諏本是皇華職
隨意周原四牡騑

贈闕里孔以昌

魏闕威儀見兩朝
漢雍經史聽園橋
烟霄舊路星河近
草樹新恩雨露饒
已向雲仍占聖澤
還從伯仲識風標
分明闕里牆東地
何日尋君再舉鑣

聞劉東山司馬致仕之命是日得謝方石祭酒

到家日所寄詩感而有作

越客書來自海濱
楚鄉重見拂衣人名如洛社非同里
詩到梁州各有神
萬里雲霄俱稅駕
兩山風月自為隣
試將出處論心事
慚愧官曹一病身

十年兩度送君歸
聽說鄉山興欲飛
歲久兒孫頭角變
日長賓客往來稀
平橋着板通樵徑
老樹盤根作釣磯
強欲相從無舊業
定於何處解朝衣

陳司空之南京例贈二首

簿書叢裏日紛龐四十年來老髯雙水部官高聯八座
石城形古鎮三江秋波艤棹花迎客曉夢趨朝月在窻
兼喜故園衣錦地幾多髦稚擁歸幢

泮水芹香共幾秋曲江花底復同遊君從北省移南國
我已紅顏變白頭舟楫地經生道路畫圖人識舊風流
明年壽骨應全健預寫詩篇當酒籌

木齋先生將登舟以詩見寄次韻二首

十年黃閣掌絲綸共作先朝顧命臣天外冥鴻君得志

池邊蹲鳳我何人
官曹入夢還如昨
世路論交半是新
仄舵歌帆何日定
茫茫塵海正無津

暫從中秘輟絲綸
同是羔羊退食臣
偶為庭花留坐客
豈知宮樹管離人
杯餘尚覺情難盡
棋罷驚看局又新
極目春明門外路
扁舟明日定天津

石封君徐節婦輓詩二首次沈仲律提學韻

試問元方與惠連
故家風範尚依然
曾同姓氏題金榜
不見功名到白顛
身後子書能讀父
古來人定可勝天

當庭種得梧桐樹直待巢成鳳已騫

不羨徐家有二雛眼看一一上雲衢九原再作心無愧
萬里生還事可吁敢謂榮名堪比養故知陰教不相誣
嗟予談虎神傷處却恐神傷虎不如

魯編脩鐸頒詔安南

命使炎邦帝選才狀元剛去省元來車從北斗杓前指
詔向南天盡處開史局事嚴應暫輟宮袍恩重許新裁
歸裝不載官中物自寫黃封作壽杯

石學士珪之任南京

黃金臺上玉為堂剛送羅生又石郎四海豪英唐意氣
兩都風物漢文章舊傳衣鉢吾空老世業箕裘子最良
可與語人今漸少不勝南望立斜陽

題義聲貞則二卷為林知府世遠父母作

三十浮生一夢餘義聲先已動州閭門高漢尉堪容馬
家富唐侯剩有書歲久佳城雙壁掩恩深令子一官如
褒章兩字同華袞夜夜虹光照墓廬

貞則堂高世所傳
栢舟風節故依然
道傍綽楔行人駐
天上絲綸內史宣
老去深恩猶襁褓
生平遺澤尚枯椽
舊家本是瀧岡後
長記辛勤教子年

儲都憲靜夫在南曹時嘗取鶴鳴詩義名其園
曰檀園又取杜少陵漢陂詩義名其軒曰淨拭
軒比再入南京請各賦一首

山林城市兩相忘
退食官曹白日長
正愛庭陰深覆綠
却嫌階葉亂堆黃
窺園董子心仍在
掃室陳蕃志且償

今去行臺還種栢可應重和伐檀章

紅花碧葉照清池長憶東曹坐對時縱有塵埃無地著
絕無雕飾有天姿年華過眼頻經幾風景撩人更屬誰
官署不同心賞在也應重和少陵詩

孝宗皇帝禪祭有感

病羽無心逐鷺行偶因祥禪憶先皇三年淚盡蒼生血
萬古名齊日月光天上神靈龍變化廟中音樂鳳趨蹌
無由執紼橋山路空負西陵一瓣香

王永嘉獻臣恩養堂王自御史謫海南以詔例
量移今職

曾是中臺執法臣親從天上捧絲綸一身去國將三載
萬里還家有二親手種椿萱堪比壽歲供魚笋未為貧
河陽縣裏花無數祇得東風一半春

守靜先生得曾孫席間奉賀一首

家書何止問晨昏報道靈芝更有根已喜一門為太史
最難三世見曾孫直教簡冊書香遠轉覺鄉邦行數尊

從此小同稱大阮衣冠盛事好重論

元日看牲復命紀事一首

己巳歲是日有廟牲節食之賜

履端新制未傳宣復命先承黼座前名秩正當華蓋殿
封題猶是戊辰年豈應衰老仍供職敢謂精誠不愧天
歸到玉堂重拜賜可將恩海報微涓

郊壇分獻再得夜明

塵土全消半夜風冰輪初徧廣寒宮分壇位出星辰上
萬象光懸宇宙中燔氣入雲烟縹緲佩聲和樂響丁東

神心豫悅天顏喜願佐夏勤保聖躬

懷麓堂集卷五十七

欽定四庫全書薈要卷一萬六千六百八十七

集部

懷麓堂集卷五十八

明 李東陽 撰

詩後稿八

七言律詩

恭進孝宗實錄紀事一首正德己巳四月二十
一日時雨中霽駕迎實錄入奉天殿方陞座前
此所未有也

寶冊雲輿次第登殿頭飛雨過觚棱衣冠夾陛班初引
袞舄迎門座始升五載音容思玉几萬年功德付金縢
三朝史筆今重載欲報先皇恐未能

西苑焚稿紀事

五月二十五日在海子西岸事畢尚膳供宴是日入西苑門望

南臺登廣寒殿過芭蕉園而還

史家遺草盡成編太液池頭萬炬烟天上六丁元下取
人間一字不輕傳先朝故事非今日

大內有皇史宬貯列聖御筆實錄祕

典內苑清遊亦勝緣却上廣寒雲霧裏禁城東指是

文淵

秋日出郭崔甥有詩因次韻

直從亭午坐斜陽却借南薰作晚涼
沙路試看騎馬快是日試賜馬玉堂剛謝攬衣忙
移將壠樹和雲種折得園葵帶露嘗
四十六年公事裏向來塵夢一何長

哭內弟劉釗三首

忽聞哀報已沾衣回首長天送落暉
別後肝腸吾弟盡到時舟楫汝兄歸
平安兩字書空在去住三生事總非

欲與親交同感舊向來門下客全稀

宦路年多改鬢毛豈應容易著青袍民貧况值饑荒後
政拙誰知撫字勞遺恨可能忘骨肉歸舟猶恐限風濤
空汙落木傷心地欲為招魂賦楚騷

兩因圍棘誤登科

釗嘗以予主考引嫌不入鄉會試各一次

一去長江委逝

波官好不嫌州縣小家貧翻恨子孫多思君豈但三秋
隔老我平添兩鬢皤寂寂閉門愁病裏有誰情話一來
過

松露周太保與王端毅太師楊遠菴都憲皆有
詩贈喬希大太常題卷一首

石渠丰采重如山松露清風尚可攀堂上草玄親問業
朝冲玉笋舊聯班片言價出千金上一日心勞百過間
老我相思不相見摩挲亦為解雙顏

松露再召復致政將歸畱話用前韻

白馬翩翩走碧山青雲逸駕許重攀遠從西晉來千里
同蓬中朝第一班詩興直凌飛鳥上歸舟仍在急流間

多情話別留歡地猶是當年夢裏顏

松露壽七十再用前韻一首

并州西隔太行山百尺丹崖豈易攀却望故鄉還憶賈
恨為仙馭不同班風雲運合逢天上山斗名應滿世間
細數百年從七十漫將靈藥駐紅顏

聞孔氏女至

南風吹送北河舟有女東來慰白頭病裏心情無那老
別來風景又經秋鵲聲報日書先到雨脚乾時淚始收

預想離程還在眼難將一笑解千憂

與衍聖公夜話

漫以平安慰別離星槎動是隔年期文章義豈千金重
骨肉心應兩地知畱住每愁冰合早出游常恐夜歸遲
須看闕下重逢日莫忘燈前共話時

劉太宰入閣後省墓例送一首

東曹地近入黃扉盛事今無壽古稀天祿閣中藜火動
相州堂上錦衣歸新頒綸綍封三世舊種松楸過十圍

恩詔祇應教暫去及時勲業肯心違

豐諭德原學掌院南京例贈一首

玉亭元向玉堂開脩竹陰陰對古槐
夢裏山川吾老矣望中騶馭子行哉
青錢選出知文價石室書成見史才
東向越山時駐馬白雲應肯渡江來

泉山書院詩

甘泉山下挹清風得似滁陽有醉翁
嵐氣每隨天早晚水聲長遶屋西東
千尋峭壁瞻依地萬頃平田灌溉功

二物古來堪比壽願登嶢嶢寫琤琮

城南姚氏園餞劉太宰與諸史部晚會歸得二

首

不到城南又隔秋偶因送客駐行驕枝梢宿雨衣猶濕
樹底斜陽席未收豈謂東曹非舊約須知下界有仙遊
壁間謾作題名記聚散終同水上漚

園上高亭園下池秋來風物兩相宜紅衣落盡蓮初實
碧葉凋殘樹總垂江左故人傷別久

還菴嘗
憇此園

省中仙客

恹來遲病回已覺詩情減却為情多強賦詩

書趙寺正式輓詩卷

下哭亡兒上老親向來無地不悲辛身從執紼衝山雨
手為抄詩付梓人今日我來翻弔汝故園書到轉傷神
白頭竟作殊方別地下相逢恐未真

其父封君後
七日卒於家

守靜先生壽七十五加少師等秩例賀一首

榜下衣冠笑兩翁晨星落落幾西東每輸壽骨年年健
且愛官銜字字同舞袖裁成新樣錦庭花開勝舊時紅

古稀餘筭從頭數五賦幽詩七月風

補壽白太夫人次卷首轆轤韻

壽筵芳酒出黃封九日春光半未窮東閣衣冠前度客
北堂圖畫舊時容眼看喬木年年大手種蟠桃樹樹紅
報道郎君重賜玉藍田佳氣晚還濃

孟冬五日冒雪出城簡邵國賢都憲喬希大侍
郎崔世興員外

十月朝時擬出城總因公祭輟私情一冬風景初逢雪

數里關河不計程
旋拂朝衣乾更濕
未占天意雨還晴
相看莫問悲歡事
不是當年向子平

次邃菴韻二首

一官心事苦難償
筋力空驚六十強
病後漸看畱客少
老來翻愛作書狂
南園折柳逢秋色
北郭看山帶夕陽
數月間情今兩度
餘生消得幾回忙

丈夫弧矢志終償
精力君應較我強
定遠功名那用達
子陵風態且須狂
東遊闕里瞻文廟
西上金山望岳陽

回首漢家營牧地夢中猶覺簿書忙

出郊

雨後蒼苔入徑深放朝聲裏得追尋
好風晴日中元節白露清霜半夜心
城外看山猶舊色井邊移樹已秋陰
公家事在何時了莫恠癡兒淚不禁

憂旱二首

正德五年齋居作是
歲有旨致齋九日

鈴索聲低別院深每從窓牖問晴陰
五風十雨清朝事七戒三齋聖主心
平野烟雲春澹澹禁城鐘鼓夜沉沉

天瓢莫道無多滴一滴須教比萬金

不向田苗試淺深先勞礎石驗晴陰黃塵赤日村村路
側枕疎牕夜夜心江雁影稀看欲盡林鳩聲遠聽俱沉
清風明月非無價好雨從來不論金

喜雨二首疊前韻

出門黃霧隔城深下馬玄雲匝地陰莫遣蒼生空有望
誰言造化本無心庭前翠竹飛還舞水面遊魚躍更沉
擬效坡翁重作記上天今已雨黃金

誤占元日到春深百日都無十日陰五月逢秋農父望
六年憂國老臣心盆荷色淨塵初洗庭樹聲收日已沉
從使田園生意足翻令土價值黃金

哭方石先生次林待用都憲韻二首

海天江樹晚依依一別平生萬事違公論底須他日定
宦途剛得幾人歸閒看物態雲千變老謝功名手一揮
猶記玉堂風月地至今東壁有餘輝

六年不見先生面數月猶煩兩寄書病裏詩篇心不廢

老來江海氣全除
塵生滿地空懸榻
腹痛何時許過車
宦況為君灰欲盡
東風何事強吹噓

聞劉東山遇赦值河西道梗未得歸次前歲所
寄雪中過六盤山韻

百折危途寸步間
向來空乞一身閒
愁心正擁藍關雪
苦句猶傳飯顆山
病後形容應漸瘦
老餘歸路轉多艱
洞庭風景依然在
為問扁舟幾日還

此詩再閱歲久不和是日得東山公赦歸重經

六盤山韻因憶元白梁州之句悵然感之再次

一首

浮世功名夢覺閒夢時何似覺時閒南來已踏千重浪
西去還經萬疊山我病不堪思往事公才猶可濟時艱
詩成漫憶梁州句一夜神交信往還

雪月夜觀水精碁戲作

雪月光中夜未闌楸枰亂落水精寒情貪白戰停杯久
眼入空明下子難長恠官曹無暇日偶從愁裏得奇觀

撚鬚呵手非吾事聊復燈前凭几看

亡女生日

十年辛苦住天涯每恨逢生不在家今日賀筵翻弔客

舊時歸路有靈車夢中匏實空題字

女歿時其母夢一匏裂為二上有子

分二身上宜男枉佩花自撚瓣香澆麥飯日斜燒紙到

昏鴉

食柑遽菴宅有感

一枝初寄洞庭舟落爪餘霜散不收弱女憶時緣病渴

故人別後已驚秋空將舊恨埋黃壤更有鄉心上白頭
歸共細君還向說燭痕和淚與雙流

除夕

獨吟孤坐總傷神誰伴長安守歲人卦數已周無那老
年華初轉又逢春思親淚盡空雙眼哭女聲高徹四鄰
還向燈前添舊草擬從新歲乞閒身

借得紅梅一株盆花盛開偶與遼菴太宰輩觀
之漫賦一首借梅者崔錫世興

休勞北客問南枝綠影紅香信有之滿坐光風流轉地
半牕晴日上來時煖貪春睡濃如酒冷笑霜髭白為詩
今日定知誰是主客來聊與倒芳卮

喬希大宗伯將赴南京例贈一首

恥隨桃杏比芳穠面目雖同格不同酒興判教三日醉
病顏輸盡十分紅頻開戶牖延春日旋設團屏護晚風
獨有離人心正遠折時須更向江東

諸公過西莊聯句走筆次韻

一春花信苦多風勝會真憐一笑同愁劇老懷兼抱病
憂深時事敢論功杜陵醉後身猶健司馬才高賦更雄
對客揮毫休我羨衰顏不似舊時紅

再次一首

一從桃杏領春風澗草巖花處處同載酒似憐花有約
催詩却笑雨無功釣心偶向閒邊發棋力翻於醉後雄
餘興不隨芳事了盆梅猶自待人紅

得東山翁到家書再用前韻二首

數畝茅堂水石間此身方得是真閒吟髭白可供新句
老眼青猶識舊山年至尚餘精力健家貧偏覺歲時艱
梧桐自有安棲地不似空林倦鳥還

莫論天上與人間纔得閒時始是閒郢客調應歌下里
謝公家自有東山憂時更覺江湖遠閱世方知道路艱
當日賦詩無送者天教夫子竟生還

益高亭為何生子元作

亭取韓文山益
高水益駭之義

衡山南去路孱顏萬丈丹梯尚可攀望盡楚峰還越嶠

定知天上與人間當牕列宿長圍繞拂地流雲自往還
多少洞庭湖上客盡從清瀉聽潺湲

五月初七日

正德
辛未

六年揮淚泣遺弓萬國傷心此日同龍去鼎湖還作雨
馬嘶沙苑尚思風碧桃宴已歸天上玉几言猶似夢中
曾是白頭香案吏不勝凝望朶雲紅

西莊遇雨

每逢佳景即登臨百度曾無一度陰今日我來翻愛雨

舊時人去轉傷心
空堂五月炎蒸盡
野色千家草樹深
最是晚來沾濕地
不勝涼思滿衣襟

中秋獨坐

客去西堂話已終
自隨巾屨步涼風
輕陰冉冉來天際
澹月沉沉出海東
戰後兵塵新恨滿
別時兒女舊愁空
一朝兩報三軍捷
莫道歡顏是酒紅

次日疊前韻東邃菴

百年心賞故難終
人負佳期昨夜風
豈有好詩生眼底

誤疑明月在鄰東
花能再發人將老
客不頻來酒未空
今日定知何似景
斜陽先愛晚山紅

九日崔郎小會

共坐西軒納晚涼
滿城風日愛重陽
苔因雨積猶餘綠
菊為霜遲且未黃
病裏山林心轉癖
老來兒女意偏長
向時憂樂誰先後
莫問江湖與廟廊

生日有感

六月九日多爵蒸
我生初度未相仍
黑頭漸白白且盡

碧山欲歸歸未能
閉門絕客祗僚友
竊祿作官猶斗升
獨把一杯還自壽
瘦軀衰病恐難勝

懷麓堂集卷五十八

欽定四庫全書薈要卷一萬六千六百八十八

集部

懷麓堂集卷五十九

明 李東陽 撰

詩後稿九

七言律詩

孫司徒饋雪酒與衍聖公崔郎中共酌

玉堂茶鼎不須烹已讓江南雪酒清一種奇香非世有
六花新釀隔年成晉書光憶貧時映郢曲歌傳醉後聲

剛是兩郎畱賞地敢將冰比玉風情

湛編脩若水冊封安南

聖朝荒服盡冠纓嶺外交南舊有名文字不隨言語別
道途長共海波平一家兩被周封命六載三回漢使旌
天上玉堂非遠別故鄉重慰倚門情

偶夢得一詩止記末句覺而感之足成一律正
德辛未十一月九日也

平地紅塵起白波直從青兗到黃河幾州村落人烟少

千里川原殺氣多
漢帥屢傳師出令
邊兵先試凱旋歌
白頭中夜長憂國
何日蒼生免荷戈

數日後再夢一劄
有天兵所至罔不
克捷之文
疊前韻以自慰

北風吹浪不成波
賊騎乘冰欲渡河
旬服以南烽火衆
天兵所至捷書多
心懸五夜趨朝夢
耳聽三軍擊斗歌
已喜文臣能敵愾
須教武庫戢干戈

地震齋居國賢侍郎以詩來自通州次韻一首

獨坐空堂別院深，
可堪無酒更無琴。
雙垂短雪衰年鬢，
寸結寒燈半夜心。
露禱似聞天上語，
遠書如聽谷中音。
朝來整笏趨朝地，
鐘鼓樓高月未沉。

崔甥復偕紅梅病起次舊韻二首

新花還發舊年枝，
一種春風兩見之。
醉眼似曾相識後，
芳心多在未開時。
若逢孟老偏宜雪，
恨少林逋別賦詩。
病裏絕憐無客到，
有誰傾倒共深卮。

誰借江南玉樹枝，
崔郎風格似宗之。
休憐客路春深地，

猶及花神酒半時
羞比杏桃吟鄭句
不勞冰雪禁歐詩
愁來春興都無幾
盡日相看不滿卮

喜雨疊前韻簡邃菴

老年風骨歲寒枝
人意花情兩得之
病後朱顏還誤酒
春來好雨正逢時
花緣別久應思主
我為愁多強賦詩
寄謝東鄰楊太宰
肯將涓滴共開卮

邃菴以詩來訂花朝之約次韻趣之

休論東閣與西涯
城市山林總未賒
已喜孤根回煖地

可將奇賞買詩家心雖鐵石能無賦畫恐丹青却累花
明日此花還此客有人爭向玉堂誇

邃菴携酒就梅再疊前韻

有客遙從楚水涯携來新釀不須賒花朝且共長安節
雪夜全勝處士家錯訝仙丹紅似雪翻憐醉眼白於花
君才正合稱三絕併與詩人一處誇

疊前韻與崔郎

庾嶺南頭灞水涯長安春望眼中賒須知水部郎官興

不在玄都道士家
癖愛苦吟呵凍筆
醉移清賞落燈花
向來花主真誰是
好事翻從地主誇

聞遽菴自得紅梅再疊前韻

載酒尋梅興未涯
移栽仙館路何賒
冰霜晚節元同調
桃李春風別是家
三弄已聞琴入操
五更應夢筆生花
芳鄰已卜千金價
老朽從今莫浪誇

近日紅梅倡和頗多
當職患其外之時
有好樂無荒之戒
再疊前韻二首以識
吾過并簡諸君

子

不愛風葩與露枝此花心緒我知之老當萬木俱凋後
愁對孤燈半結時多事不勞頻載酒有懷應憶舊題詩
相看只合無言坐小泛清茶當一卮

大江南望渺津涯水涉山行路總賒內苑移栽雖得地
北來飄泊似無家閒愁未解雙眉縛老病從添滿眼花
畱却一枝還舊主任將春色與人誇

有菊為醫士盛燧作

幽人種花花滿家此花之外更無花
懶隨桃杏爭春色
且共參苓閱歲華
青眼舊憐攜綠酒
白頭低愛插烏紗
不須更酌南陽水
自引香泉灌藥芽

走筆次成國病中見寄韻

病起如聞春酒香
老來猶作綵衣郎
方傳靈藥從人乞
手雪仙桃奉母嘗
五月嘉辰懷往事
四更清夢繞朝行
嗟予亦抱文園渴
漫倚高歌到夕陽

五月七日

正德
壬申

曾上鑾坡侍玉堂朝衣親惹御袍香傳宣煖閣

在奉天門後

天顏近奏事平臺

在中左門東

午漏長化國有人悲短夢幽

都無地仰餘光從容顧命分明語一日傷心淚萬行

聞河南捷

山東羣盜復河南血戰中原萬蟻酣守似墨城誰却九
捷如曾杼尚疑三潛行不覺關山隘屢餌深防將士貪
剛道羣兇真授首又聞舟楫下江潭

聞狼山捷用前韻

北風吹捲洞庭波飛舸還經孟瀆河今日勝兵方有筭
向來遺孽本無多中宵驛使傳書捷兩岸歡聲入棹歌
聞說西南猶轉戰幾時甘雨洗天戈

楊少卿廷儀歸省成都石齋閣老以長卷見屬
請紀其事少卿予已未所舉士也

五色文章使我驚十年京國愛君情袁卿奉職先郎署
蘓轍傳家有父兄城上花明新衣錦橋邊人指舊題名
誰言蜀道如天遠萬里星槎自在行

易檢討舒誥歸省長沙院中例贈

行盡星沙更月橋始知天上有歸橈
宮衣尚帶香烟濕仙佩還隨玉露飄
已向江山開壽域細將文軌說中朝
西來青鳥南飛鶴萬里雲霄路未遙

吳禮部克溫來自南京靳克道學士賦詩會別
次會予家用韻一首

淹留不厭腐儒餐風度惟君世所難
茶笑陸生親設具碁如吳起慣登壇
聊將短日供長話漫以新詩續舊歡

莫向南船驚朔吹曉晴沙路雪初乾

成國省墓北澤山奉贈一首

二王祔葬六陵東丘壠成行列上公千里疏陳朝闕後
十年心切望雲中河山帶礪君恩遠俎豆春秋祀事同
地下有靈應暫笑郎君今又作元戎

七言排律

春寒二十韻

軟紅香裏見車塵剩取餘寒在水濱飛霞有時還著面

微霜何力尚欺人湖波欲動清猶淺草色初回綠未勻捲
盡簾櫳無燕雀閱殘冰雪但松筠吳牛月下琉璃薄胡馬
風前苜蓿新作態簷花如怯語多情堤柳似含顰朝衣試
換應嫌早市酒從沽莫厭醇賜擬宮恩傳漢燭別憐歸思
遶江蘋山墻地坼蟲仍蟄海國天高雁始賓醉愛火犀曾
貢粵歌傳土鼓漫吹幽哦詩轉覺吟肩聳潞紆難醫病手
皺未放韶光過九十肯拋長夜守庚申瓊樓玉宇騷人遠
舊穀新絲野客貧甲士夢驚曾徹骨緯嫠心苦更傷神涕

袍范叔誰相戀大被姜郎且共親萬厦直須酬老杜重
裘幸免作窮陳年華草草催雙鬢宦跡悠悠寄一身愁
引凍泉分浙瀝怕登高閣看嶙峋每慙溫飽謀生拙一
任炎涼過眼頻從此願持鄒衍律遍教陰谷是陽春

壽鶴溪潘先生八十

越山雲氣鬱崔嵬家住天南紫翠堆溪上鶴飛知客到
籬邊蝶過識花開繁苔滿地時嗔掃野服隨身更懶裁
靜撚吟髭還得句健拋行杖獨登臺抗顏正對橫經席

袖手旁看作郡才矍鑠尚能驅五馬幽閒且可種三槐
初心道德終無負末路功名底用媒孤賞最宜樓有月
舊貧剛免甑生埃空羣冀北人猶羨捷足終南世敢猜
甲子數休論絳縣神仙居不在蓬萊堂成綠野千年後
節近清秋一日纔堪寄興惟林下竹未忘情是嶺頭梅
絲蘿愛託青松樹海水憑添白玉杯歌罷琅璈如許和
願從江鴈得書回

聖駕視學有述

翠華重匝護金根
鑾駕從容下玉闌
一雨隔宵清輦路
五雲先曉覆橋門
中天地迥乘龍御
在廟心勞想駿奔
禮樂百年昭象設
衣冠三代藹雲孫
拜瞻共識師模重
坐講方知聖道尊
履上仙班星只尺
耳聞天語玉清溫
鳳團賜茗公卿貴
鷄舌分香侍從恩
敢謂文章非國運
故知籩豆有司存
休風合遣羣方動
盛事仍兼往代論
從此六經功久大
須將覆載比乾坤

生日還菴太宰貺以長律用韻自述并答雅懷

莫將箕斗問星躔花甲周時又五年抱病每憐唐杜甫
謝官方慕漢韋賢頭多白髮生新種坐祗青氍是舊傳
豈謂詩書非閥閱縱居城市也山川義方獨守韓公訓
仁里三懷孟氏遷恩許曲江蒙燕賚禮開東閣誤招延
黃扉忝職經綸重玉几親承顧命專犬馬有情難報主
鈞衡無力可回天同心論議思金斷末路功名笑瓦全
已愧元方魯有季却悲顏路早亡淵空驚節序忙於我
頗恠聰明不及前歌枕欲眠頻覺警杖藜將步轉愁顛

如過漆室遙聞歎誰為蒼生倒解懸况值劬勞傷短日
敢耽荒樂醉長筵鏡中勲業今衰矣夢裡江湖更渺然
大義曷能逃覆載餘生何以謝陶甄家藏筆法猶存譜
手按琴徽錯記絃公退久違鰲禁直友聲先和鳥鳴篇
錦衣肉食非吾樂藥操冰心豈自堅惟聽玉皇宣放勅
願從平地學神仙


邃菴太宰先生初度疊前韻奉壽

兩翁星命不同躔後甲先庚僅七年天祿閣中慙我老

文僖門下識君賢，聰明德祖才無敵。清白關西世有傳，
藩府早時通姓字。地靈隨處託山川，東堂漢試曾三捷。
外制唐官始一遷，滇騎北來經海嶽。晉軺西去歷廊延，
龍駒萬匹飛驤滿。虎旅千羣節制專，夙夜在公長體國。
行藏自我亦由天，纓冠義切煩趨赴。鼎釜生餘藉保全，
寶劍直應光射斗。明珠何止媚藏淵，班行迥絕星辰上。
人物分明藻鑑前，寒士力能吹羽落蒼生。手可救崖顛，
秋風梓里頻勞夢。陽月桑弧此再懸，已荷投桃敦友誼。

寧辭伐木共賓筵
童時鬢髮今皤矣
醉後心情各醒然
合志豈能忘枯羽
相逢多道出陶甄
公庭坐遣平如水
大道從知直似絃
臺省疏傳金鏡策
山林興寄白雲篇
中朝儀表衣冠盛
後代勲名竹帛堅
願與八荒同壽域
不妨官府是神仙

懷麓堂集卷五十九



總校官庶吉士臣張能照

校對官庶吉士臣徐如澍

謄錄貢生臣周志禮

謄錄監生臣張耀臺

欽定四庫全書薈要

集部

懷麓堂集卷

六十五
六十二

詳校官候補通政司經歷臣郭祚熾



欽定四庫全書薈要卷一萬六千六百八十九

集部

懷麓堂集卷六十

明 李東陽 撰

詩後稿十

五言絕句

雜畫

種樹自何年幽人不知老不愛松色奇只聽松聲好

又

野樹兼天暝山鐘度水遲詩僧不出戶頭白少人知

又

仰面看飛鳥彎弓意轉遲馬頭雙獵犬惆悵立多時

芙蓉

濯彼秋江上脩然風霜姿世間無一物惟有謫仙詩

西園秋雨

竹

秋雨爛百草青青脩竹林解使秋聲爽還令秋色淡

椿

舊樹已十圍舊宅今易主新樹日以長秋霜復春雨

檜

雙樹出牆頭亭亭兩高蓋雨色愛青蔥天聲聽靈籟

榆

柳外春烟碧桑邊暮景斜退朝無一事風雨送年華

桃

種樹乘春雨開花待曉風一年還一樹隨意滿園紅

李

名果出吾家移栽自海涯
要看花勝雪先放雨催花

芍藥

秀色春前發濃陰雨後看
持盃賀花相先我得休官

木槿

花開不及暮根老却宜秋
天機何處在須向靜中求

蓼

的的垂紅雨蕭蕭映碧流
吳江誰解剪剛得數枝秋

繡墩草

野草不繡地青青常覆盆風朝還雨夕留客意終存

苔

豈不愛佳客客來殘我苔西園十日雨三徑不曾開

藜

藜新尚可蒸藜老亦堪煮明年幸强健拄杖看秋雨

後西園秋雨詩

予往歲秋雨中嘗即西園植物各為小詩十二首

今年病告累月幽懷莫伸復即所見得十首

雨來催我竹十日忽成林笋出無人見蒼苔深更深

右竹

雨色澹西莊風光戀北堂存亡各異地憂樂兩難忘

右萱

去年長比人今歲高過屋好雨東南來依稀滿庭綠

右槐

畫省和雲植幽庭帶雨看會辭雙闕迥歸託一枝安

右紫薇

買種已經年，貪看亦云久。未惜雨沾衣，應防刺傷手。

右荼蘼

芳華曜朝陽，餘景駐晚色。縱是雨成霜，白頭心更赤。

右葵

一月一花開，花開應時節。未須誇雨露，慎與藏冰雪。

右月桂

未摘霜前實，先看雨後花。名應出西海，顏豈論東家。

石榴

風花晴可憐
雨實秋更好
日日望江南
終當此中老

右望江南

春草萎欲黃
秋草萎更碧
莫太倚春光
方當讓秋色

右草

七言絕句

虢國夫人早朝圖

掃罷蛾眉上馬遲
君王剛及退朝時
侍臣記得丁寧語

莫遣長生殿裏知

菜

誰寫西園數葉菰露華清曉濕蒙茸玉堂夜半蘇郎渴
此味無因獻九重

兔

薜蘿原上眼迷離好是空山獨坐時老去獵心翻欲動
似嫌孤隼下來遲

菊花

寒影蕭蕭照墨池西園晚色正相宜
蒼顏黑髮秋風裏應是陶翁未醉時

蓮花

不見峰頭十丈紅別將芳思寫江風
翠翹金鈿明鑾鏡疑是湘妃出水中

芙蓉

輕紅澹白兩堪憐妙意皆從畫史傳
不用秋江照顏色也知標格是天然

梔

抽黃婉白總稱才誰遣山梔入畫來似為詩家少知已
杜陵吟罷不曾開

水僊

澹墨輕和玉露香水中僊子素衣裳風鬟霧鬢無纏束
不是人間富貴粧

牡丹

綵毫和露寫名花紫艷分明出魏家應是洛陽歸夢遠

緇塵紅土半京華

題褚臨蘭亭後二絕

晉代書家失典型
河南別自有蘭亭
寧知千古風流興
只在山陰酒未醒

晉帖唐臨太未遲
還從點畫認鬚眉
向來賞極翻成恨
不見當年運筆時

柯敬仲墨竹二絕

奎章博士本書家
畫法翻將上品誇
鐵鎖銀鈎誰解道

人間空夢筆生花

莫將畫竹論難易
剛道繁難簡更難
君看蕭蕭祗數葉
滿堂風雨不勝寒

子昂畫馬

宋家龍種墮燕山
猶在秋風十二閑
千載畫圖非舊價
任他評品落人間

觀泉圖為衍聖孔公作

松根東望思悠哉
濕盡春衣滿地苔
七十二泉雲霧裏

可能持贈一泉來

春園雜詩十四首

三月三日佳麗辰五十五年衰病身閉門一枕午時夢
江草江花無數春

病來無力與春爭看盡花開草又生莫道東君不識面
舊紅新綠也關情

墻陰老槐生古苔棘籬花逕參差開分付兒童莫謝客
病中那有俗人來

桔槔亭邊非我家城南小園綠水車直恐此身終是客
門前有地不栽花

木槿花開紅作屏庭前莓苔滿地青綠陰深處不知曉
啼鳥一聲幽夢醒

手挿河邊楊柳枝眼看成樹復成絲不見雪花飛滿地
豈知春去已多時

野鶴昂昂不受馴家鶴依依鳴向人應悔城中食烟火
不如天外離風塵

庭下獼猴如小兒攀花折果不停時為憐野意厭羈馬
放著林間高樹枝

三年種竹不滿地長恠牆高多夕陰縱使難成也難老
莫教移却種花心

夜來一雪忽成雨雨過西山青入樓聽人騎馬看山去
又作思山一種愁

徑草園花隨意春野情偏與物相親養得山家短角鹿
盡日間行不觸人

剛道假山如畫圖畫圖還是假山無若見此山真面目
縱非南國也西湖

房山山房山下頭十年不到水空流園童捉魚自煮喫
只道山中無釣鈎

慈恩寺前花滿洲看花長記小年遊春光撩人不知老
夜夜夢到水西頭

木筆

泚露和烟曉未乾多情獨自倚闌干春風為報真消息

不似江郎夢裏看

蜀葵

羞學紅粧媚曉霞
祇將忠赤報天家
縱教雨黑天陰夜
不是南枝不放花

黃葵

不隨紅紫鬪紛華
別有風流出畫家
誰解人間真正色
秋來交付與黃花

玉簪

昨夜花神出蕊宮
綠雲裊裊不禁風
粧成試照池邊影
祇恐搔頭落水中

春草圖二絕

江南春草綠如烟
多在東風十日前
還憶謝家池上見
對床聽雨賦詩眠

渚蘭汀草亂春愁
病裏何心更出遊
獨立斜陽溪上望
采芳人在白蘋洲

四牛圖

丙吉問牛

不問僵屍問喘牛春來多少廟廊憂燮調知是三公職
只許當年曲逆侯

劉寬還牛

笑解轅轡緩步歸野人多事轉相疑司徒喜怒元無迹
牛去牛來兩不知

牛弼殺牛

徒步歸來了不驚車前流血任縱橫一牛自與秋毫重

得似人間骨肉情

李密掛牛

倦來不作帶經鋤掛角歸時日未晡
道上達官應借問傳中曾讀竇融無

王濟醫馬圖

王郎愛馬癖成癡病馬情多手自醫
馬病祇應醫便得不知醫癖更須誰

黃子久山水

子久丹青仲舉詩百年風物兩稱奇
分明一片江南景
醉後相看醒不知

劉松年山水二首

九曲闌干十丈泉
隔溪幽樹轉蒼然
携童莫道尋師晚
猶在秋山落照前

醉倚孤蓬坐不眠
夜涼吟向泐寥天
松陰正好看明月
分付兒童莫放船

刻絲牡丹二絕

組織兼成刻畫功好花芳蝶共春風摩挲舊物尋遺事
不是唐宮也宋宮

皺碧堆紅間淺深都將一賞付分陰誰知造化無雕刻
費盡人間巧匠心

書歐陽公手帖後二絕

醉翁長恨作書難道是撐船上急灘畢竟晚年多自得
儘畱風韻與人看

宋代書家自不孤當時只許蔡君謨若將晉法論真印

此老風流世亦無

寒山拾得圖二絕

閒向青山掃白雲
青山那得有紅塵
白雲飛散紅塵盡
山色長如清淨身

爨松燒竹自為徒
炊罷吟詩對竹爐
應是禪家風味別
世間烟火氣全無

王孟端山水圖長卷二絕

畫竹休將竹史看
王猷家自有江山
空庭莫訝千尋影

萬里烟波咫尺間

高下青山遠近村
清江處處繞柴門
鑑湖一曲消多少
須問君王再乞恩

蒙翁蒲萄次韻二首

采采西林白露團
一時清賞故人歡
蕭條四十年前事
又向誰家卷裏看

西土蒲萄別樣團
謫居聊此寫清歡
荔支香水誰高下
且與詩人一例看

法酒一尊奉致二泉都憲侑以小詩

玉露金莖下九天風情猶記十年前莫言天上無多滴
欲闢人間第二泉

使回聞欲封寄江南蓋將以為北堂之壽再致
一語情見乎詞

行厨新甕不開封畱向高堂手自供若比江東懷橘意
洞庭春色定誰濃

捕魚便面為厚齋閣老題

漁家生事苦難勝盡日江頭未滿罾回首不知天已暮
晚風吹浪濕鬚髻

饋萱遽菴太宰侑以一詩

雨後宜男色更深采來新自玉堂陰紫葵紅藥標題遍
可忍黃花獨苦心

成國內弟有憶陶鼎詩見寄次韻二首

列鼎朱門非我事楚人家自有泥鐺如何南國三年別
猶記西堂一夜羹

朝回閉戶無嘉客
獨對陶家老瓦鐺
忽向春風起秋興
江東何處有萸羹

題沈啟南畫二絕

蔓草叢花滿世間
石田胸自有江山
君看絕頂孤眠處
萬仞高風未可攀

欲向高臺一振衣
恐驚黃葉徧山飛
不如抱膝還高卧
閒倚長空送落暉

題李伯時蓮社圖二首

誰寫廬山十八賢
白頭居士老龍眠
藥囊經卷隨行杖
如在香爐瀑布前

蓮社風流隔市朝
共將身跡混漁樵
陶翁心事無人識
聞道攢眉似折腰

恭題景陵御筆花鳥圖後二絕

文華殿裏日從容
花鳥閒情藻繪中
莫向人間問開落
碧桃天上幾春風

花滿平川穀滿田
眼中風物總堪憐
高飛俛啄皆生意

猶憶先朝大有年

題崔甥畫卷

有序

禮部郎中崔甥世興得中書焦瑞家畫卷十幅皆
正統天順間一時名筆內有予詩十首跋一通皆
書警齋而字畫圖印絕不類疑其偽也間以質予
予筮仕時實有此號及諦觀其詩漫不知為何等
語也因念弱齡穉作忽忽四十六年而卷什完整
如故且跋云每幅空其半以俟他日更為之今焦

氏以錦衣貴族已就凋落所藏書畫亦散佚不守
而予復見之獨非有所俟而然乎世興以為奇請
踐前語乃各次舊韻填諸紙空復識其後而歸之
且以原韻并跋各附于稿後亦庸以自考云爾正
德壬申二月七日西涯李東陽賓之識

不見春風轉綠蘋山中那識歲華新
試看剝啄門前客莫是坡翁夢裏人

行盡青溪見白蘋中林蘭若晚鐘新
不因犬吠疎

籬下空谷誰知更有人

警齋
右訪友圖

谷口長松澗底藤石橋山路晚登登囊琴斗酒來何暮
空負寒齋昨夜燈

斷岸垂崖百尺藤柴門無徑有誰登孤舟十里山

頭客共話西齋一夜燈

警齋
右訪友圖

遙向秋江溯碧空晚風涼月共開篷數聲長嘯三更話
多在千山萬木中

櫂歌歸去水連空十里青山一釣篷同是滄浪濯

纓客相逢醉殺月明中

警齋
右漁舟圖

江上秋風生白波
孺子解唱滄浪歌
歌長日短不知暮
回鴈峰頭烟水多

荻花江上水增波
萬里秋聲入櫂歌
十二樓臺何

處所滿天鴻雁夕陽多

警齋
右山水圖

紛紛紫陌任紅塵
轉眼新花換舊人
何似水邊兼雪後
老年還是少時春

翠袖娟娟不受塵
水邊長伴一閒人
多情只有孤

山月猶照西湖十里春

警齋
右墨梅

萬紫千紅漫作羣一枝端可拂青雲不緣風格高如許
誰遣坡翁記墨君

獨立風霜意不羣勁扶蒼翠入青雲天涯歲晚相

逢地惟有清風得共君

警齋
右墨竹

衆芳搖落盡堪憐多在江南歲暮天獨有孤根隨晚節
老來相對不知年

白石幽篁也可憐况逢枯木半參天江干歲暮無

人地露泣烟愁定幾年

警齋
右古木圖

鵲聲人語共分明夢覺高堂了不驚
報道乘龍消息好
恹來終日傍門楹

青春毛羽獨分明盡日相看總不驚
踏遍殘枝君

莫惜好將春色到簷楹

警齋
右雙鵲

渺渺平沙落鴈斜夢魂疑在水西涯
多情不似江南雀
猶向沙頭啄柳花

水淺沙寒日易斜數聲遙在楚天涯
哀歌忽斷秋

風起落盡寒蘆兩岸花

警齋
右蘆鴈

休論澗碧與山紅
雨簇風翻定幾叢
欲向春光題品遍
老來詩思十分慵

石竹山丹紫間紅
刺縻黃菊兩三叢
春心也羨東

園蝶百遍相過思未慵

警齋
右花草圖

今年夏予在史館中書舍人焦廷樞亦有事于館
中持所藏畫卷十幅請予題編閱之暇輒命筆為
八絕而止越數月廷樞復以卷抵予家請識歲月

披而閱之則嚮所為者皆應答語甚不滿意始欲
為長句續之而俗事纏繫弗果也廷槩使凡幾至
則又為二絕歸之仍每幅虛其半以俟他日興到
當復為之耳成化丁亥十月晦警齋李東陽題

戲嬰圖

都將白日付青春戲舞閒行意態真聞道棘門還細柳
潢池空有弄兵人

東湖圖

湖水東頭孺子亭十年人地兩俱靈憑誰為酌湖中水
一洗人間醉夢醒

商山圖

行盡深山覓紫芝不應名姓有人知閒來共說人間事
楚漢分明一局碁

遊春圖

三月江頭花滿枝春光物物總宜詩杜陵野客猶多興
不是潛行痛哭時

海日圖

浴日亭前水不流
長空滉漾與雲浮
坡翁只解中宵過
虛詫平生萬里遊

懷麓堂集卷六十